

prieres, mais il leur repartit qu'ils fissent à leur ordinaire, & qu'il feroit bien aise de les entendre, s'estans tous mis à genoux l'un d'eux prononça les prieres fort distinctement, & tous les autres le suiuiroient posément, & avec vne deuotion non attenduë de ces pauures barbares, les prieres acheuées ils reciterent en commun [140] trois dixaines de leur chappellet, chantans vn cantique spirituel à la fin de chaque dixaine, ils en firent autant le matin du iour suiuant, & voila, dirent ils, comme nous auons passé tout l'hyuer, sinon que les Dimanches & les iours de festes nous prolongeons de beaucoup nos prieres.

Le Pere grandement consolé s'en retourne avec eux à Tadouffac pour leur administrer les Sacremens de la Confession & de l'Eucharistie, & pour les instruire quelque temps, & puis les renvoyer en leur pais; Dãs la cõmunicatiõ qu'ils eurent avec le Pere, ils loierent grandement le zele & la charité d'une femme Chrétienne, comme la maladie les pourfuiuoit par tout, cette bonne femme alloit de cabane en cabane, exhortant tout le monde à tenir ferme en la foy, & à ietter toutes leurs esperances en Dieu, mes fœurs, disoit elle, aux femmes malades, ne vous affligez pas de vous voir dans cette langueur, ce mal n'est rien en comparaiõ des feux de l'Enfer que vous souffririez si vous n'estiez pas Chrétiens, souuenez-vous de ce que nostre Pere nous a si souuent [141] dit à Tadouffac, que les souffrances estoient bonnes, & qu'elles feroient hautement recompensées au Ciel, & qu'il falloit payer le mal que nous auõs fait par nos pechez.

Si quelque enfant venoit à mourir elle fortifioit ses parens, & par son exemple ayant perdu les siens avec